



CONCORS INTERNAZIONÂL DI COMPOSIZION CORÂL

La associazion ZVEZA SLOVENSKE KATOLIŠKE PROSVETE / Union culturâl catoliche slovene, dentri des ativitâts previodudis tant che partner dal Comun di Nova Gorica intal progjet Interreg Italie-Slovenie (GO!2025 Small Projects Fund) SINGERS' CORNERS, e mande fûr il bant di Concors internazionâl di composizion corâl pal an 2025 »**IZVORI GORIŠKOSTI / ORIGJINS DAL GURIZAN**«.

- 1 – Il concurs al è destinât a compositôrs e composidoris cence limits di etât.
- 2 – I compositôrs participants a àn di presentâ un toc par un di chescj ensemble: **côr miscliç (SATB), côr masculin (TTBB) o côr feminin (SSAA) par no plui di cuatri vôs a capele.**
- 3 – **Lis composizions a àn di jessi elaborazions di cjants popolârs de arie largje dal Gurizan¹ che il compositôr al à di documentâ cul motif origjinâl o la melodie, la font di divignince, e a puedin jessi par furlan, sloven, talian o intes lôr variants dialetâls.**
- 4 – **La durade dai tocs no à di passâ i cinc (5) minûts.**
- 5 – **Lis composizions a àn di jessi ineditis, no ancjemò eseguidis e no za premiadis in altris concurs.**
- 6 – Ogni compositôr al pues partecipâ cun plui di une opare.
- 7 – Ogni partidure e à di jessi anonime e segnade cuntune piçule sigle che e à di jessi scrite sul sfuei di iscrizion. Sul spartît e à di jessi segnade ancje la durade dal toc. La partidure e varà di rivâ ae direzion indicade dentri des 23.59 dai 15 di Setembar 2025. Par la schede di iscrizion si varà di doprâ il modul disponibil sul sît

<https://zskp.eu/mednarodni-natecaj-za-zborovske-skladbe/>.

¹ L'arie dal Gurizan e cjape dentri i comuns di Ajdovščina, Bovec, Brda, Cerklje, Idrija, Kanal, Kobarid, Miren-Kostanjevica, Nova Gorica, Renče-Vogrsko, Šempeter-Vrtojba, Tolmin, Vipava intal teritori de Republike di Slovenie e i comuns di Caprive, Cormons, Doberdò - Doberdob, Dolegne dal Cuel, Fare, Foian Redipulie, Gurize - Gorica, Gardiscje, Grau, Marian, Migjee, Monfalcon, Morâr, Mosse, Romans dal Lusing, Roncjis di Monfalcon, Segrât, San Ganzian, San Florean dal Cuel - Števerjan, San Luring dal Lusing, San Pieri dal Teritori, Savogne dal Lusing - Sovodnje ob Soči, Staranzan, Turiac, Vilès intal teritori de Republike Taliane.

Parsore di ce che al è za stât dit, la domande di partecipazion e à di vê dentri:

- i dâts personâi e la direzion dal compositôr (cognon, non, lûc e date di nassite, lûc di residence, numar di telefon e direzion e-mail);
- il titul e la sigle dal toc;
- la declarazion, firmade dal compositôr, che la opare no je mai stade publicade, eseguide, premiade o menzonade in altris concors.

8 – Lis oparis a saran valutadis di une jurie di trê elements fate di personalitâts di ponte dal mont musicâl internazionâl. La jurie e podarà dâ chescj premis:

Prin premi di € 500 (cinccent)

Secont premi di € 300 (tresinte)

Tierç premi di € 200 (dusinte)

La Jurie si risierve il drit di no dâ ducj i premis e e pues ancje dâ premis speciâi a sô discrezion o raccomandâ oparis specifichis pe publicazion.

9 - Lis decisions de jurie a son definitivis e no si pues apelâsi.

10 – I risultâts dal concurs a saran publicâts su lis pagjinis web ae direzion **www.zskp.eu** dentri dai 15 di Novembar 2025.

11 – L'Organizatôr si risierve il drit ae prime esecuzion, ae prime publicazion e ae prime regjistrazion des oparis premiadis e raccomandadis.

12 – I spartîts une volte mandâts no saran tornâts ai compositôrs.

13 – I dâts personâi dai compositôrs a saran tratâts daûr dal Regolament UE 2016/679 - GDPR, intal rispiet dai principis di riservatece e protezion dai dâts, e par lis finalitâts e cu lis modalitâts sclaridis inte note informative gjenerâl in zonte.

14 – Par dut ce che nol è previodût in maniere esplicite di chest bant di concors, a valin lis disposizions dal Codiç Civîl e lis leçs specifichis in materie.

15 – Pes controversiis al à competence il Tribunâl di Gurize.

16 – Cu la iscrizion al concurs i participants a acetin lis cundizions e lis regulis di chest bant.

Interreg
Italia-Slovenija



Cofinanziato
dall'Unione europea
Sofinancira
Evropska unija

Fondo per piccoli progetti GO! 2025
Sklad za male projekte GO! 2025

GECT GO
EZTS GO



Projekt SINGERS CORNERS financira Evropska unija iz Sklada za male projekte GO! 2025 programa Interreg VI-A Italija-Slovenija 2021-2027, ki ga upravlja EZTS GO.

Il progetto SINGERS CORNERS è finanziato dall'Unione europea nell'ambito del Fondo per piccoli progetti (Small Project Fund) GO! 2025 del Programma Interreg VI-A Italia-Slovenia 2021-2027, gestito dal GECT GO.